



Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 33. Duo Episcopi cum Burgravio Friburgum ablegati, Pontificem
reducturi.

[urn:nbn:de:hbz:466:1-66272](#)

atque Præfectis præcepit, Sigismundo Sæcul. XV.
 juramentum fidelitatis præstarent; unde A.C. 1415.
 Imperator missis copiis ditiones hujus Du-
 cis in fidem suam recepit. Solos Hel-
 vetios sibi obluctantes expertus est, qui
 bello parta sibi vendicare allaborabant.
 Ex his tamen Urienses spoliis hujus Du-
 cis pagum suum ampliare nolebant. Nec
 minori contentione opus erat, ut ea, quæ
 Fridericus in Tiroli possederat, Impera-
 tor sibi subjiceret; Nam Ernestus ab
 Austria frater ejus natu major a Tirolen-
 sis in auxilium vocatus, adversus Im-
 peratorem Comitatum hunc propugna-
 vit, ejusque Deputatis respondit: redeant,
 unde venerunt; jam satis divitiarum
 Sigismundus ex fratris me spoliis corra-
 sit, proin justum est, ut ei saltem aliqua
 supersint. Cum vero Imperator Synodi
 negotiis magis occuparetur, nil ultra mo-
 liri voluit.

§. XXXIII.

*Duo Episcopi cum Burgravio Fri-
 burgum ablegati, Pontificem
 reducturi.*

Nullum non movebant lapidem Synodi *Pander*
 Patres, ut Joannem Constantiam re- *Hardt to. 4.*
 dire compellerent. Ablegant ergo Fri- *p. 163.*
 burgum Bisuntinum, & Rigensem Ar-
 chiepis-

Sæcul. XV. chiepiscopos, ut Pontificem ad redditum inducerent. Mittit quoque Imperator pro parte sua Norimbergæ Burgravium trecentis militibus stipatum. Dum Friburgum veniunt, Pontificem jamjam, Ducis Austriaci opera, captivum reperiunt; nihilominus tamen omnes urbis aditus, ne fuga elaberetur, valido custode muniri jubent. Prælati ergo Papam adeunt, suadentque, ut cum illis, utpote citatus, ad Synodum rediret, cauſam suam publice in nona Sessione defensurus. Johannes, quamvis hi duo Prælati ex improviso advenissent, nihil tamen commotum simulans animum, vultu sereno eos excipit, respondens, se Constantiam ire paratum, nihilque intimius animum ejus torquere, quam quod perniciosa fusurorum consilia fecutus, a Synodo discessisset. Ast ubi Burgravium Norimbergensem trecentis armatis cinctum, & Cæsar is jussu adesse conspexit, seque non honorifica, nec ea, quæ summos Principes decet, custodia detineri animadvertit, parumper conterritus hæsit, magis tamen concidebat animo, cum videret, se non Constantiam, sed alium in locum deduci.

§. XXXIV.